

Comité Schnitzelbänke

Vier Schlinggi



Melody: Dails uralt  
Dails ewig ney

Es gitt mäenge Ma — me däנגg  
(Maischt isch er liberal)  
Wo b'hauptèt, unseri Schnitzelbängg  
Syge z'stargg und e Skandal:

Die sinn verruggt im Grind,  
Denn's lychtet jedem y,  
Dass e rächte Schnitzelbangg  
Ka niemols fynzelig syl

Inträsse-Gmainschaft isch hitt Drumpf  
Me grindet e Spalehubel  
Und sithär sinn mer guet im Strumpf:  
Jetz hämmer e Rym uff Dubell

Die sin verruggt im Grind,  
Ihr Hirni isch voll Schabe,  
Denn dr Spalehubel goht  
Uff dr andere Sytte-n-abel

Hitt ghert Deviseschmuggel  
Zue de rentable Pinggt  
Doch mäenge griegt an Buggel  
E Stroff, wo-n-im sehr stinggt!

Die sinn verruggt im Grind  
Wie sälli Schwyzergselle  
Wo hän mit Schwyzergäld  
Bi de Schwobe herbschte welle!

Am Spaledoor die neji Uhr,  
Nai lueg me-n-au do ane:  
Bi däre-n-isch vo Zyt kai Spur,  
Sie lauft nit, nundefahne!

Die isch verruggt im Grind  
Die het halt ihri Glischt:  
Die lauft e so lang nit,  
Bis si wider het ihr Grischt!

Dr Stadtblaan isch e kaibe Ding,  
Wenn y rächt ygweit bi,  
Und d'Leesig, die isch gar nit ring,  
Me rootet här und hi . . .

Mir sinn verruggt im Grind  
Sunscht bruuchte mir zur Prob  
Vo däre Korräktion  
Doch sicher nit e Schwobl

S'ruckhäberlet vo linggs und rächts  
S'ruckhäberlet iberall:  
Persil und A.-C.-V. — nur Schlächts —  
Sogar im „Sindefall“!

Dä isch verruggt im Grind,  
S'wird aifach ebbis gschlinggt  
Merggt dä nit ändlig au,  
Wie wirgglig „D'Wohret wirggt“?

D'Verordnigswälle macht aim sturm,  
Will hitt me-n-Auto fahre  
Denn dr Verordnigsbändelwurm  
Verlaidet aim dr Karel

Wär isch verruggt im Grind?  
Das darf me gar nit sage,  
Sunscht paggt aim nundedie  
Dr Staatsanwalt bim Grage!

Kemmet alli am nägschte Sunntig an  
Schlussobe in Muusigsaal.